

## Yesu ni Mchungaji Mkuu

*Na Mchungaji mkuu atakapodhibirishwa, mtaipokea taji ya utukufu, ile isiyokauka—*  
**1 Petro 5:4.**

**M**aisha ya mchungaji yalikuwa ni yenye uangalifu. Aliwajibika kulilinda kundi lake mchana na usiku. Wanyama wa porini walikuwa wengi na wakali mara nyingi, na waliweza kuleta majeraha kwa kundi la kondoo na ng'ombe ambao hawakulindwa na mchungaji mwaminifu. Japokuwa Yakobo alikuwa na watumishi wengi wa kumsaidia katika kuchunga makundi aliyoyamiliki yeye na Labani, bado wajibu wa kuwatunza ulikuwa juu yake. Katika baadhi ya misimu ya mwaka alilazimika kuwa pamoja na mifugo hiyo mwenyewe, mchana na usiku, ili kuwalinda katika majira ya ukame mkuu wa mwaka, ili wasije wakafa kwa kiu; na katika sehemu ya majira ya baridi sana, kuwaokoa ili wasije wakatwa na homa ya baridi kwa ugonjwa wa kuganda tishu kwa baridi kali ya usiku. Mifugo yao pia ilikuwa katika hatari ya kuibwa na wachungaji wapotovu, ambao walitamani kujitajirisha kwa kuiba ng'ombe za jirani zao.

Maisha ya mchungaji yalikuwa yale ya kujali daima. Hakufaa kuwa mchungaji isipokuwa amekuwa mwenye huruma, na mwenye ujasiri na uvumilivu. Yakobo alikuwa mchungaji mkuu, na alikuwa wachungaji walio chini yake walioitwa watumishi. Mchungaji mkuu aliwaita hawa watumishi, ambao aliwakabidhi uanḡ alizi wa kundi, kwa kuwajibishwa vikali kama wasingekutwa katika hali ya usitawi. Ii iwa kungekuwa na ng'ombe waliopotea, mchungaji mkuu angewajibishwa.

Uhusiano wa Yesu kwa watu Wake ni kama ule wa mchungaji. Aliona, baada ya Anguko, kondoo Wake wakiwa katika hali ya kuhuzunisha wakiwa katika hatari ya uangamivu wa hakika. Aliacha heshima na utukufu wa nyumba ya Baba Yake ili kuwa mchungaji, ili kuwaokoa ... kondoo waliopotea wanaokaribia kuangamia. Sauti Yake yenye kuvutia ilisikika ikiwaita kuja zizini Mwake, mahali pa usalama na uhakika kutoka kwenye mikono ya wanyang'anyi; pia mahali pa kujisetiri kutokana na joto kali, na ulinzi dhidi ya athari za baridi. Utunzaji Wake uliendelea kutolewa kwa manufaa ya kondoo Wake. Aliwatia nguvu wanyonge, kuwalisha walio dhaifu, na kuwakusanya wana-kondoo wa kundi mikononi Mwake, na kuwabeba kifuani Mwake. Kondoo Wake wanampenda. Huwatangulia kondoo Wake, nao wanaisikia sauti Yake na kumfuata. "Mgeni hawatamfuata kabisa, bali watamkimbia; kwa maana hawazijui sauti za wageni." Yesu anasema, "Mimi ndimi mchungaji mwema. Mchungaji mwema huutoa uhai Wake kwa ajili ya kondoo"....

Yesu ndiye mchungaji mkuu. Amekabidhi utunzaji wa kundi Lake kwa wachungaji wasaidizi. Anawataka wachungaji hawa kuwa na upendo kwa kondoo Wake sawa na ambao anaudhihirisha, na daima kuhisi wajibu wa jukumu ambalo Amewakabidhi.... Ikiwa watafuatisha mfano Wake wa kujikana nafsi, kundi litafanikiwa chini ya uangalizi wao.... Watadumu kufanya kazi kwa ajili ya ustawi wa kundi (**Spiritual Gifts 3:122-124**).